



Broj predmeta: 13-002968/22
Broj akta: 01.1-1528ZN-0058/23
Datum, 20. 3. 2023.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH»), brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25 i čl. 32 stav (1) Zakona o javnim nabavkama («Službeni glasnik BiH», broj 39/14), Izmjene i dopune zapisnika o pregledu i ocjeni ponuda broj: 13-002968/22 od 16.3.2023. godine, gradonačelnik Brčko distrikta BiH d o n o s i,

ODLUKU O IZMJENI I DOPUNI ODLUKE O IZBORU NAJPOVOLJNIJIH PONUDAČA

BROJ:13-002968/22, BROJ AKTA:01.1-1413EK-0033/23 OD 17.2.2023. GODINE

Član 1.

- (1) U članu 1. stav (1) Odluke o izboru najpovoljnijih ponuđača po provedenom otvorenom postupku za nabavku radova na tekućem održavanju javnih objekata u 2023. godini za potrebe Kancelarije za upravljanje javnom imovinom Brčko distrikta BiH – lotovi 1-20, briše se tačka c) u cjelosti i Lot 12 se dodjeljuje najpovoljnijem ponuđaču „Dios“ d.o.o. Brčko tako što se iza teksta za Lot 10 dodaje sljedeći tekst:

„Lot 12 – Molerski radovi – održavanje javnog stambenog fonda i humanitarnih stanova

Vrijednost okvirnog sporazuma sa uračunatim PDV-om iznosi **5.508,36 KM.“**

Obrazloženje

U provedenom postupku nabavke je donesena odluka o izboru najpovoljnijih ponuđača i Lot 12 je bio dodijeljen ponuđaču „Ross Adrija“ d.o.o. Brčko. Ponuđač je u roku od sedam dana trebao da dostavi kvalifikacionu dokumentaciju. Dostavljenu dokumentaciju je pregledala komisija za javne nabavke koja je uočila da ponuđač nije dostavio validno ovjerenu kopiju Uvjerenja Poreske uprave broj: 06/1.05/0704-455.2.1-4946/2023, te da nije dostavio rješenje o ispunjavanju uslova za obavljanje djelatnosti koja je predmet nabavke, u skladu sa članom 9. tačka e) Pravilnika, koje je zahtijevano tačkom 4.16 tenderske dokumentacije. Od ponuđača je zahtijevano da dostavi sporno uvjerenje u originalu na uvid te zahtijevano rješenje. Ponuđač nije dostavio dokumentaciju do 15.3.2023. godine, do datuma koji je bio određen kao krajnji rok za dostavu dokumentacije, tako da ponuđač nije dokazao svoju kvalifikovanost. Komisija je dostavila preporuku o dodjeli ugovora za Lot 12 drugorangiranom ponuđaču u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

GRADONAČELNIK

prim. dr. Zijad Nišić



DOSTAVLJENO:

- ① Pododjeljenju za javne nabavke,
2. Ponuđačima,
3. Gradonačelniku,
4. Kancelariji za upravljanje javnom imovinom,
5. Arhivi.

Zijad Nišić